



REPUBLIKA E SHQIPËRISË
KOMISIONI QENDROR I ZGJEDHJEVE

KOMISIONERI SHTETËROR I ZGJEDHJEVE

Data: 28 Qershor 2022

Nr: 179

VENDIM

PËR

DEKLARIMIN TË PËRFUNDUAR DHE PA VENDIM PËRFUNDIMTAR TË PROCEDURËS ADMINISTRATIVE TË SHQYRTIMIT TË REZULTATIT TË VERIFIKIMIT TË PROKURORIT TË PËRGJITHSHËM PËR SUBJEKTIN VETËDEKLARUES Z. ILMI SALI KUKA, KANDIDAT PËR DEPUTET I PROPOZUAR NGA PARTIA LËVIZJA E RE, QARKU LEZHË, NË ZBATIM TË LIGJIT NR. 138/2015 “PËR GARANTIMIN E INTEGRITETIT TË PERSONAVE QË ZGJIDHEN, EMËROHEN OSE USHTROJNË FUNKSIONE PUBLIKE”

Sot më datë 28.06.2022, unë Komisioneri Shtetëror i Zgjedhjeve, në seancë publike shqyrtova çështjen me:

- Objekt: Shqyrtimi i rezultatit të verifikimit të Prokurorit të Përgjithshëm për subjektin vetëdeklarues z. Ilmi Sali Kuka, kandidat për deputet i propozuar nga Partia Lëvizja e Re, qarku Lezhë, në zbatim të ligjit nr. 138/2015 “Për garantimin e integritetit të personave që zgjidhen, emërohen ose ushtrojnë funksione publike”.
- Palë të interesuara: Z. Ilmi Sali Kuka, kandidat për deputet i listës shumëmemërore të propozuar nga Partia Lëvizja e Re, qarku Lezhë, për zgjedhjet për Kuvendin e Shqipërisë të datës 25 Prill 2021.
- Baza ligjore: Nenet 19, pikat 1, shkronja “n” e 2 të ligjit nr. 10019, datë 29.12.2008, “Kodi Zgjedhor i Republikës së Shqipërisë”, të ndryshuar, nenet 90 dhe 95 të ligjit nr. 44/2015, “Kodi i Procedurave Administrative”, ligji nr. 138/2015, “Për garantimin e integritetit të personave që zgjidhen,



Data: 28 Qershor 2022
Nr. 179

Për deklarinimin të përfunduar dhe pa vendim përfundimtar të procedurës administrative të shqyrtimit të rezultatit të verifikimit të Prokurorit të Përgjithshëm për subjektin vetëdeklarues z. Ilmi Sali Kuka, kandidat për deputet i propozuar nga Partia Lëvizja e Re, qarku Lezhë, në zbatim të ligjit nr. 138/2015

emërohen ose ushtrojnë funksione publike”, pikat 12 dhe 13 të Kreut V, të vendimit nr. 17/2016, të Kuvendit, “Për përcaktimin e rregullave të detajuara mbi zbatimin e ndalimeve të parashikuara në ligjin nr. 138/2015, “Për garantimin e integritetit të personave që zgjidhen, emërohen ose ushtrojnë funksione publike”,

Në përfundim të shqyrtimit administrativ,

VËREJ:

I.

Në zbatim të ligjit nr. 138/2015, “Për garantimin e integritetit të personave që zgjidhen, emërohen ose ushtrojnë funksione publike” Komisioni Qendror i Zgjedhjeve është organi kompetent për administrimin, verifikimin, zbatimin e ndalimeve për zgjedhjen dhe emërimin për funksionet publike si dhe përpunimin për formularin e vetëdeklarimit për disa subjekte ndër të cilat është edhe “Kandidati për deputet”.

Në zbatim të këtyre dispozitave, z. Ilmi Sali Kuka, kandidat për deputet i listës shumëmemërore të propozuar nga Partia Lëvizja e Re, Qarku Lezhë, në zgjedhjet për Kuvend të datës 25 Prill 2021, ka depozituar në Komisionin Qendror të Zgjedhjeve formularin e vetëdeklarimit në datën 03.03.2021.

Përpara miratimit të listave të kandidatëve për deputetë për subjektin zgjedhor Partia Lëvizja e Re, në bazë të kompetencave të veta, KQZ bëri verifikimin “prima facie“ pasi konstatoi se kandidati nuk është në kushtet e ndalimit, ndërmori hapat e mëposhtme:

- a. Komisioni Qendror i Zgjedhjeve, me shkresën nr. 1827 prot., datë 09.03.2021, ka kërkuar informacion nga zyra e gjendjes gjyqësore, pranë Drejtorisë së Përgjithshme të Burgjeve, e cila nga ana e saj me shkresën nr. 2558/1 prot., datë 11.03.2021, informon Komisionin Qendror të Zgjedhjeve se kandidati për deputet, z. Ilmi Sali Kuka, nuk ka të regjistruar dënime penale të formës së prerë në sistem, pra nuk është i dënuar.
- b. Komisioni Qendror i Zgjedhjeve, me shkresën nr. 1826 prot., datë 09.03.2021, ka kërkuar informacion pranë Drejtorisë së Përgjithshme të Gjendjes Civile, e cila nga ana e saj me shkresën nr. 985/1 prot., datë 13.04.2021, informon Komisionin Qendror të



Zgjedhjeve, se kandidati për deputet z. Ilmi Sali Kuka, nuk rezulton të ketë ndryshime në përbërësit e gjendjes civile.

- c. Komisioneri Shtetëror i Zgjedhjeve me vendimin nr. 154 datë 17.03.2021, vendosi “Miratimin e listave shumëme të Partisë Lëvizja e Re për zgjedhjet për Kuvend të datës 25 Prill 2021”.

II.

Komisioni Qendror i Zgjedhjeve, në zbatim të ligjit nr. 138/2015 “Për garantimin e integritetit të personave që zgjidhen, emërohen ose ushtrojnë funksione publike”, verifikoi të dhënat në formularin e vetëdeklarimit të kandidatit për deputet z. Ilmi Sali Kuka.

Nga verifikimi i të dhënave në formularin e vetëdeklarimit të z. Ilmi Sali kuka, rezulton se ka deklaruar:

Në rubrikën III. “TË DHËNA MBI GJENDJEN GJYQËSORE TË PERSONIT”, të Formularit të Vetëdeklarimit: u konstatua se nga subjekti është deklaruar se në vitin 2013-2018 është dëbuar nga Shteti Grek për arsye të mungesës së dokumentacionit, gjithashtu ka deklaruar se në periudhën 1998-2013, ka qëndruar në Paros, Greqi, për arsye emigracioni.

Nga konstatimet e mësipërme dhe bazuar në nenin 8, pika 1, të ligjit nr. 138/2015 “Për garantimin e Integritetit të personave që zgjidhen, emërohen ose ushtrojnë funksione publike”, Kreu V, pika 2, shkronja “c”, të Vendimit të Kuvendit, nr. 17/2016 “Për përcaktimin e rregullave të detajuara mbi zbatimin e ndalimeve të parashikuara në ligjin nr. 138/2015, Komisioni Qendror i Zgjedhjeve me shkresën nr. 2584 prot., datë 24.03.2021, vendosi t’ia kalojë rastin për verifikim të thelluar Prokurorisë së Përgjithshme, si institucioni kompetent që kryen verifikimin e plotë të deklarimeve të bëra.

Me shkresën nr. 538/53 prot., datë 17.06.2022, Drejtoria e Koordinimit Institucional, Sektori i Dekriminalizimit pranë Prokurorisë së Përgjithshme, ka dërguar në Komisionin Qendror të Zgjedhjeve, vendimin “Për miratimin e rezultatit të verifikimit për subjektin z. Ilmi Sali Kuka”

Prokuroria e Përgjithshme, pas kryerjes së gjithë verifikimeve përkatëse, i konsideron këto të fundit të plota dhe të bazuara në nenin 8, pikat 1 dhe 2, të lidhura me nenin 5 të ligjit nr. 138/2015, “Për garantimin e integritetit të personave që zgjidhen, emërohen ose ushtrojnë funksione publike” si dhe në përcaktimet e pikës 3 shkronja “ç”, Kreu III dhe pikave 10, 11, 12 e 13 të Vendimit të Kuvendit

nr. 17/2016, ka miratuar rezultatin e verifikimit të subjektit vetëdeklarues z. Ilmi Sali Kuka, sipas të cilit konstatohet si me poshtë:

1. Nuk rezulton të ketë kryer ndryshime në përbërësit e gjendjes civile, të padeklaruara në formular apo të ndryshme nga ato të deklaruara;
2. Nuk rezulton të jetë i dënuar me vendim të formës së prerë nga ndonjë autoritet gjyqësor shqiptar apo i huaj, për kryerjen e ndonjë vepre penale;
3. Nuk rezulton të jetë i dënuar me vendim gjyqësor jopërfundimtar nga ndonjë autoritet gjyqësor shqiptar apo i huaj, për një çështje penale të pazgjidhur me vendim gjyqësor të formës së prerë;
4. Nuk rezulton të ketë qënë i ndaluar apo i arrestuar nga organet ligjzbatuese, për kryerjen e ndonjë vepre penale;
5. Nuk rezulton të ketë qënë i siguruar me masë shtrënguese të sigurisë personale;
6. Rezultoi që ky shtetas është deportuar sipas vendimit me nr. 63144/2, të datës 02.06.2013 i drejtorisë së Policisë së Cyklades, Greqi.
7. Nuk rezulton të ketë indicie apo të dhëna apo rrethana, fakte të bëra publike apo informacion, me qëllim verifikimi:
 - Për veprimtari kriminale të kryer jashtë territorit të Republikës së Shqipërisë
 - Për qënien në hetim apo gjykim nga një autoritet i huaj
 - Dëbime nga territori i ndonjë shteti jashtë territorit të Republikës së Shqipërisë
 - Përdorimin e të dhënave personale/gjenealiteteve të tjera.

III.

Komisioneri Shtetëror i Zgjedhjeve, në përfundim të shqyrtimit të dokumentacionit dhe rezultatit të verifikimit të thelluar, të Prokurorit të Përgjithshëm konstaton se:

Ligji nr. 138/2015 dhe vendimi nr. 17/2016 i Kuvendit, përcaktojnë në mënyrë të qartë dhe të detajuar se subjektet kanë detyrimin ligjor të deklarojnë çdo informacion në lidhje me gjenealitetet e tyre aktuale e të mëparshme, rekordet kriminale brenda dhe jashtë territorit të Republikës së Shqipërisë (vendime dënimi përfundimtare ose jo, hetime penale jashtë territorit të Republikës së Shqipërisë, masa sigurimi personale, vendime dëbimi, ndalime, arrestime, hetime, etj).

Z. Ilmi Sali Kuka, kandidat i listës shumemërore të Partisë Lëvizja e Re në zgjedhjet për Kuvendin e Shqipërisë të datës 25 Prill 2021, qarku Lezhë, nuk ka marrë mandatin e deputetit. Subjekti zgjedhor Partia Lëvizja e Re referuar neneve 162 dhe 163 të Kodit Zgjedhor nuk ka fituar asnjë mandat në qarkun Lezhë. Në kushtet kur subjekti vetëdeklarues, kandidati i listës shumemërore të Partisë Lëvizja e Re, nuk do të mund të përfitojë mandat në qarkun e lezhë për këtë legjislaturë, Komisioneri nuk mund të shprehet me vendimmarrje për çështjen objekt shqyrtimi, për sa kohë ky subjekt nuk gëzon statusin e deputetit dhe në asnjë rast e për asnjë rrethanë nuk do të mund të marrë këtë funksion publik për të cilin është iniciuar procedura administrative e verifikimit të thelluar. Komisioneri mund të shprehet vetëm kur përmbushen kushtet ligjore të moskandidimit, moszgjedhshmërisë apo mbarimit të mandatit për rastet e parashikuara në ligjin 138/2015. Në rastin objekt shqyrtimi, në analizë dhe zbatim të neneve 10 dhe 11 të ligjit 138/2015, si dhe neneve 90 dhe 95 të ligjit 44/2015, “Kodi i Procedurave Administrative” vlerësohet se ka humbur objekti dhe qëllimi i procedurës administrative të filluar përpara ditës së zgjedhjeve.

PËR KËTO ARSYE:

Bazuar në nenet 19, pikat 1, shkronja “n” e 2 të ligjit nr. 10019, datë 29.12.2008, “Kodi Zgjedhor i Republikës së Shqipërisë”, të ndryshuar, nenet 90 dhe 95 të ligjit 44/2015 “Kodi i Procedurave Administrative”, ligjin nr. 138/2015, “Për garantimin e integritetit të personave që zgjidhen, emërohen ose ushtrojnë funksione publike”, pikat 12 dhe 13 të Kreut V, të vendimit nr. 17/2016, të Kuvendit, “Për përcaktimin e rregullave të detajuara mbi zbatimin e ndalimeve të parashikuara në ligjin nr. 138/2015, “Për garantimin e integritetit të personave që zgjidhen, emërohen ose ushtrojnë funksione publike”

V E N D O S:

1. Të deklaroj të përfunduar procedurën administrative pa vendim përfundimtar për subjektin vetëdeklarues z. Ilmi Sali Kuka.
2. Kundër këtij vendimi mund të bëhet ankim në Komisionin e Ankimimeve dhe Sanksioneve, brenda 30 (tridhjetë) ditëve nga hyrja e tij në fuqi.



3. Ky vendim hyn në fuqi menjëherë dhe publikohet në faqen zyrtare të Komisionit Qendror të Zgjedhjeve.

Komisioneri Shtetëror i Zgjedhjeve

Ilirjan CELIBASHI



Data: 28 Qershor 2022

Nr. 179

Për deklarimin të përfunduar dhe pa vendim përfundimtar të procedurës administrative të shqyrtimit të rezultatit të verifikimit të Prokurorit të Përgjithshëm për subjektin vetëdeklarues z. Ilmi Sali Kuka, kandidat për deputet i propozuar nga Partia Lëvizja e Re, qarku Lezhë, në zbatim të ligjit nr. 138/2015